

Über d Ethik vom Engagement



Dr chli König Jay. C. I.
Bärn Dütsch (Oberaargau)



www.littlekingjci.com

Schwyzerdütsch (Oberraargau) Erstausgabe

Titel: Über d Ethik vom Engagement

© 2019 Friedhelm Wachs

Umschlag/Illustration: strichfiguren.de (Adobe Stock)

Autor: Friedhelm Wachs

Übersetzung: Martin Reinmann

Lektorat, Korrektorat: Sabine Schierwagen

Die deutsche Originalausgabe erschien 2018 im

Verlag: Metropolis Medien Verlags GmbH, Leipzig

ISBN: 978-3-7479-0247-9

Das Werk, einschließlich seiner Teile, ist urheberrechtlich geschützt. Jede Verwertung ist ohne Zustimmung des Verlages und des Autors unzulässig. Dies gilt insbesondere für die elektronische oder sonstige Vervielfältigung, Übersetzung, Verbreitung und öffentliche Zugänglichmachung.

Bibliografische Information der Deutschen Nationalbibliothek:

Die Deutsche Nationalbibliothek verzeichnet diese Publikation in der Deutschen Nationalbibliografie; detaillierte bibliografische Daten sind im Internet über <http://dnb.d-nb.de> abrufbar.

Bitte häufet üs, üsi chlini Gschicht i veune Sproche
z'übersetzte. Übersetzt bitte dä Tegsch i Eure
Dialäkt u Eui Regionali Sproch.

by Friedhelm Wachs || Senator #62758
European Senate President 2018/2019

Translation: Martin Reinmann
Language: Swiss German - Bärndütsch
(Region Oberraargau)

Es isch e mau e chline König gsi.
Är heisst Jay Citizen dr Erschti.
Jay C. I. isch dr ganzi Tag trurig gsi.





Um sich ume het är nume Egoismus gseh.
Keine kümmeret sich um d' Mitmönsche.
Chlini graui Könige hei num a sich dänkt u
grossi graui Könige no veu meh. U trotzdem
isch kei König glücklich gsi.

Was für ne Gruus!

Das het dr chlini König Jay C. I. wöue
ändere. Är het öppis wöue mache für sini
Mitmönsche. Meh für d'Ching, meh für
d'Wirtschaft, meh für d'Böudig, meh für
die Arme, meh für d'Umgäbig.

U är het ou wöue lache. Är het säuber wöue
Spass ha am Läbe, öppis z'lehre u die
wundervolli Wäut z'entdecke!

Aber wie söu är das aus chline König aues
alleini schaffe? Är grüblet u grüblet...

und plötzlech chunnt ihm e Idee!






"Würium rede ig ned mit de angere Chönige,
wo ou öppis wei ändere", frogt sech dr
chini König. "Vonenang lere das isch dr
Schlüssu zum Erfoug", isch sich dr
Jay. C. I. sicher gsi.

Auso het är sich uf ne langi Reise zu
angerne Könige begäh.

Di blaugrüeni Königin het gseit:

Dr Edli forderet sich säuber. Frog ned,
was Dis Land für Di cha tue, sondern frog
Di, was Du für Dis Land chasch tue. Das
isch Brüederlechkeit. Mach das, denn
wirsch Du glücklich.





Das isch e tolle Tipp gsi.
Fröhlech isch dr chlini König Jay C.I.
witter...





Dr grüeni König weiss:

Dä Mönsch, wo dr Bärg abtreit, isch dr glichig wo a gfangen het chlini Steine wäg z'träge. Wenn mir eifach mit em erschte Schritt a föh, ou bi grosse Ufgabe, de chöi mir's schaffe. Mir chöi Ziu vo dr UNO erreiche. Fride isch müglech.



"Wie grossartig isch das", het sich dr chlini
König Jay. C. I. dänkt.

"Afoh isch dr Schlüssu zum positive
Wandu." U är isch witter gloffe...



Dr roti König het ihm grote:



Verchouf uf dim Markt Angle u keini
Fisch. Wenn d' Mönsche lehre, wie
si chöi fische, de lere si sech säuber
z'häufe. Säubschtheuf isch üsi
Ufgab. Das isch Freiheit. Frei
Mönsche sichere ou d'Grächtigkeit.





"Toll", het dr Jay C. I. dänkt, "das heuft".

Lächelnd isch är witter gange...






Die lila Königin het im gseit:

Dr gröschti Schatz vo me ne Mönsh
isch ned was är bsitzt. Dr gröschti
Schatz isch si Charakter u sini
Persönlichkeit. Je meh Du Di
Charakter schueusch, umso besser
chasch du dr Gemeinschaft häufe.

"Läbeslangs schuele vom Charakter. Das tönt guet. Das hautet üs wach gägenüber de Nöt vo üsne Mitmönsche" het sich dr Jay C.I. dänkt u dr chli König louft witter...



Dr blai König het gwüsst:



Dr Edli fñehrt mit Rächt u ohni Vorliebi u Vorurteil. Fñehrig isch nume denn gloubwürdig, wenn si gliche Regle für aui awändet. Ned Beziehige u Frünschafte bestimme, sondern alleini s'Rächt.



Das mach s'Zämewschaffe veu fröhlecher,
wenn ned nume Fründe bevorzugt wärde.
Glich Regle für aui. Das isch e gueti Idee.

Mit dere Idee im Gepäck louft dr Jay. C. I.
witter...



dr orangeschi König seit:

Wohäre Du ou immer geisch, gang mit
dim ganze Härz. Dänk drah, dass nüt
us üs säuber isch und aues nume denn
Wärt het, wenn Du's vo Härze freiwillig
machs.





Plötzlech stunet der chlini König JAY. C. I..
I dr ferni gseht är es Schloss. Isch är
würkli wieder dehome?


Frölech u ohni Asträngig isch är um d' Wäut
gwanderet u het tolle Rotschleg übercho.

Schnäu het dr Jay C. I. umgesetzt, was ihm
Königinne und Könige gseit hei.

Er het sis Vouk la reise, drmit d'Mönsche
gspüre was är gfüeut het. Sie söue sich für
ne besseri Wäut i setzte und drbi Spass ha.

Si hei ihri Hüser göffnet, drmit angeri se
bsueche chöi. Si hei Regle gschaffe, a die
sech d Bsuecher hei müesse haute.


So hei si Spass gha.





De angere Könige isch ufgefaue, dass ou si
veu vom chline König Jay C. I. glert hei.
Si si veu glücklecher gsi. Wöu dr
Jay C. I. nüt für sich bhaute het,
sondern au die tolle Tipps mit de angere
Könige teilt het. Täglich hei si d'Wäut
es bitzeli besser gmacht.

So hei sech aui Könige wieder troffe. Si
hei dr ganzi Tag gfiret u die ganzi Nacht u
hei vo ne nang und über enanang immer meh
glert. Sie hei sich sogar e Name.
Si hei sich nach em chline Chönig Jay C. I.
einfach Jaycees gnennt.







U wöu das Träffe so schön isch gsi, hei si a gfange Konferänze z'organisiere u sich mindeschtens zwöi Mau im Johr z'träffe.

Uf em Wäutkongräss, uf regionale Konferänze, uf Nationale Kongrässe u sogar i ihrer Umgäbig hei si Rum gschaffe für e Ustursch.

Ändlech hei si e Vorteil gha, gägenüber de
grosse u graue egoistische Könige.

Sie si immer frölecher gworde. Sie si
immer faierer worde. Sie hei ihri Länder
immer bunter gmacht u am Ändi hei si zäme
glachet.







So hei si e Ethink vo Engeagement
gschaffe. Jede König het sini Gedanke uf
gschribe u so hei si zäme chönne es Credo
formuliere:

Mir si dr Überzügig, dass

- s'Vertoue uf Gott / d'Mitmönsche em Läbe Sinn u Bedütig gäh
- Brüederlichkeit vo de Mönsche d'Gränze vo de Nazione überwindet.
- sociali Grächtigkeit am eheschte i re freie Wirtschafts- u Gsöschafts-oring gwärleischtet isch.
- Führieg uf Rächtsstaaltechkeit berue söu.
- dr grösschti Richtum uf dr Ärde i dr mönschleche Persönlichkeit ligt u
- dr Deinscht a dr Mönschheit die höchshti Läbesufgab darsteut.





Mir wei gmeinsam zeige, weli Charft JCI het.
Mir si Veufaut, wie se d'Wäut schüsich ned het.
Jede vo üs red ned nume d'Amtssproche vo üsem
Land, sondern ou e Mueter- u Vattersproch,
e regionali Sporch, e Stammesproch.

Zeiget se!

Bitte häufet üs, üsi chlini Gschicht i veune Sproche
z'übersetzte. Übersetzt bitte dä Tegscht i Eure
Dialäkt u Eui Regionali Sproch und schicket sä
zrugg a:

book@littlekingjci.com



www.littlekingjci.com



ISBN: 978-3-7479-0247-9